



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm VI. Ex literis.

[urn:nbn:de:hbz:466:1-62559](#)

- men beneficiatus cedere beneficio non posset, quamvis ad prestandum consenserit cogi posset a delegato; si renuntiationem factam causam concordia irrationabiliter acceptare nolit.
- Per transactionem litis finienda causam institutam auctoritate iudicis delegati, onus pensionis imponi potest non beneficio, sed parti transigenti ad certos annos, vel tempus vita ipsius.
- Secundum Curia Romana praxim Episcopis hodie non licet (olim videtur licuisse) pensiones, praesertim in perpetuum beneficis imponere.

NO T A N D V M I. Litigans super beneficio coram Iudice delegato à Papa transigere potest, etiam non interueniente consensu Ordinarij. Si tamen beneficiatus beneficio cedere velit, id sine assensu Episcopi collatoris fieri non debet, iuxta c. admonet. 4. de renunt. & notat Abb. h.c. n. 1.

Quod si is absque causa rationabili abnueret acceptare renuntiationem, factam causa concordiae seu vt à lite recedatur, interdum cogi posset à Iudice delegato, arg. c. præterea, s.l. de offic. delegati, ex quo habetur: quod Papa alicui causam delegans, censuram committere omnia, quæ ad causæ expeditionem necessaria sunt.

NO T A N D V M II. Per transactionem, litis terminandæ causa institutam auctoritate Iudicis delegati, onus pensionis aut census imponi potest non ipsi beneficio, ita vt ad successores transeat; sed parti transigenti ad certos annos, aut ad tempus vitæ ipsius. Ita etiam habetur in c. nisi, 21. de præb.

QUÆRES: Vtrum ipse Episcopus, cum consensu Capituli, ex causa rationabili beneficium pensione seu censu in perpetuum grauare possit. Resp. Spectato iure antiquo, videretur affirmadum, arg. huius textus, verb. absque Episcopali auctoritate, & c. expesuiti, 3. vbi id docet Abb. n. 8. de præbend. & c. extirpandi, 30. §. Qui vero eod. tit. vbi id docet Imola n. 17. Prohibetur enim ibi, ne id fiat in fraudem, ergo secus est, si ex causa iusta & rationabili. Quamobrem S. Th. 2. 2.

q. 100. a. 4. in fine ita scribit: *Si Episcopus, antequam beneficium alicui conferat, ob aliquam causam ordinauerit aliquid subtraendum de fructibus beneficij conferendi, & in pios usus expendendum, non est illicitum.* Et Abb. in cit. §. qui verò, n. 7. Tene mente, quod cessante fraude, potest ex præuentibus unius beneficij constituti aliud beneficium. Et sic collige bonam practicam: vbi est altare multum pingue, vel Ecclesia multum abundans, poterit Superior, maxime ea vacante, ex certis redditibus constitutere aliud beneficium pro Sacerdote, vel Clerico; vel poterit pensione assignari, dummodo non fiat in fraudem.

Et profectò id quandoque necessitas postulat: Ponamus enim, Parochiam aliquam in redditibus annuis habere sex millia florinorum, aliam vero Ecclesiam, cui plura onera incumbunt, habere tantum quadringentos, nonne poterit, imò debet Episcopus ex abundantioris parochiæ redditibus, patro-
no consentiente, detrahere ad subleuandam inopiam alterius Ecclesiæ parochialis, aut Collegiatæ, alteriusque beneficij. Verum, tamen secundum Curia Romana praxem Episcopis hodie concessum non esse, ut pensiones, praesertim in perpetuum, beneficia quæ imponant, dixi lib. 4. tr. 2. c. 13. q. 5. & c. 18. quæst. 3.

CAPITVLVM VI.

Ex literis.

P A R A P H R A S I S.

Duo Clerici, Romanus & Antonius, super Ecclesia quadam controversiam habentes, coram Episcopo Vigorensi, Apostolice Sedis delegato, transfererunt, eiisque transactionis auctor fuit Guilielmus alterius partis Aduocatus, qui & in instrumento transactionis tanquam testis subscripsit. Sed idem Guilielmus, persuadens sibi, dictam transactionem simoniacam, idèoque irritam esse, eandem Ecclesiam ipsem à Sede Apostolica impetravit, dissimulans se transactioni illi interfuisse, Dddd; eique

eique patrocinatum fuisse: Imd etiam tacuit, se tempore impetrationis laicum esse, ac nondum tonsuratum. Quamobrem scribit Alexander III. super petenda Ecclesia illa silentium ei imponendum esse. Ita intelligunt Innocent. Ioan. Andr. & Abbas.

SUMMARIUM.

1. Aduocatus & Procurator non potest in eadem causa, cuius est Aduocatus & Procurator, esse testis; potest tamen, si ea per transactionem componatur.
2. Auctor, mediator, aut suafor alicuius transactionis, aut contractus, non auditur postea, si eum ut irritum vel iniustum impugnare velit.
3. Laicus, seu non tonsuratus, non est capax beneficij.
4. Si quis in possessionem beneficij euidenter intrusus est, nullo colorato titulo vel probabili munitus, tum huius possessionis in impetrazione beneficij mentio nulla facienda est; secundum est, si quis sit in possessione saltem colorata.
5. Testis contractui consensisse presumpsius, non potest eum impugnare; secundum est, si contractum non approbavit.

NO T A N D V M I. Licet Aduocatus (sicut & Procurator) non possit esse in eadem causa testis pro eo, cuius Aduocatus vel Procurator fuit, c. vlt. de testibus, in 6.l. vlt. ff. de testibus; potest tamen Aduocatus, in causa, si ea per transactionem componatur, testis esse huius transactionis. Ita Anton. de Buerio, & Imola hic n.2. Abb. n.1. Cum enim per transactionem finitur lis, sequitur quod definit esse Aduocatus; ideoque non simul est Aduocatus, & testis in eadem causa: sed qui fuerat Aduocatus in controuersia, eam finitam per transactionem, incipit esse testis transactionis. Simili ratione ait Innocent. apud Imolam hic, n. 13, Abb. cit. num. 1. Si quis testis subscriptus in instrumento emptionis, alteriusue contractus, quod posse deinde ut Aduocatus adhiberi.

si agatur de executione contractus. Iam enim non testificatur; sed qui antea fuerat testis, eiusque testimonium firmum manet, modi vi Aduocatus adhibetur. Ceterum, si de viribus instrumenti dubitetur, non posse eius testimonium recipi, dum Aduocatus est.

NO T A N D V M II. Qui est auctor, mediator, aut suafor alicuius transactionis, aut contractus, non auditur postea, si eum ut irritum, vel injustum impugnare velit: quia allegate propriam turpitudinem, ideoque audiens non est, iuxta c. inter dilectos, 8. de donat, iun. Gl. ver. turpitudinem. Ita explicant hunc locum Ioan. Andr. hic n.3. Imola n.13. Abb. n.4.

NO T A N D V M III. Laicus, seu non tonsuratus non est, capax beneficij: quare in impetrazione beneficij mentio fieri debet de clericatu, c. cum adeo, 17. de re script. Nil Papa ex certa scientia scribat pro aliquo nondum Clerico, qui Clericus fieri vult, ut beneficium ei conferatur, tunc prius tonsurari debet, & postea in beneficio institui, sicut hoc docet Abb. n.3.

QYÆRITV R I. Si alius quispiam Ecclesiam, quem ex simoniaca transactione ab aliquo possidebat, tanquam vacante imprestat, nulla facta mentione possessionis, verum impetrazione subreptitia sit, Respondeo cum Ioan. Andr. hic n.3. Imola n.12. Abb. in c. cum nostris, 6. num. 16. Si aliquis in possessionem beneficij euidenter intrusus est, nullo colorato seu probabili titulo munitus, tum huius possessionis necesse non est mentionem fieri, arg. c. super literis, 20. de re script. Sin autem aliquis est in possessione saltem colorata, ut qui a legitimo Ordinario inuestitus est, quamvis iniustitio aliquo viatio laborare videatur, eius possessionis in impetrazione beneficij mentio facienda est; cum prius de iure & titulo possessoris cognosci debeat, quam ei beneficium auferatur, arg. cit. c. cum nostris.

QYÆRITV R II. Si aliquis ut testis presentiam suam exhibuit contractui, vel subscriptionem, an cum postea ut irritum oppugnare possit. Resp. Si centeri possit in contractum consensisse, tuac impugnare cum non

non potest; secus si contractum non approbat. Prior pars sumitur ex hoc c. & casus sunt: I. Si agatur de eius præiudicio, & cum id sciat, non contradicat, l. fideiussor, 26. §. Pater, iun. Gl. ver. manifestum, ff. de pignoribus, & sumitur ex c. penult. de sent. & re iudic. II. Si testificatio pertinet ad substantiam contractus, quia sine ea validè fieri non potest, tum tacitus consensus & approbatio adesse videtur, vti Gl. docet in l. Caius, 39. ver. non obesse, ff. de pignerat. act. & Imola hic. Posterior pars ex eo probatur, quia testis solùm testatur de his, quæ sunt facti, & non de his, quæ sunt iuris, ait Abb. h̄c n. 5. & confirmari potest ex regula, quæ tradidit in cit. c. penult. & tit. 60. Cod. lib. 7. Res inter alios alta aliis regulariter non notet.

CAPITVLVM VII.

Super eo.

PARAPHRASIS.

Si de Ecclesiastico beneficio, aut quavis re spirituali litigetur, transactio fieri non potest, ita vt retento vel accepto spirituali, vicissim aliquid detur vel remittatur: cum talis commutatio, seu reciproca obligatio speciem simoniæ habeat. At verò amabilis, & gratuita compositione in talibus fieri potest.

SUMMARIUM.

1. Super ecclesiastico beneficio non potest transfigi, sed potest amicabiliter componi.
2. Si vni parti litigantium super beneficio tempore quiddam detur, non in compensationem dubiū iuris, sed ob aliam causam, & nominatim ob bonum pacis & concordie, tanquam simoniacum & illicitum, damnari non debet, si iudicis auctoritate fiat. Cautè tamen agendum, ne simoniaca pactionis effectus admiscatur. Reprobatur tamen talis pactio seu transactio, si à partibus initium habuerit.

3. Lis beneficiaria ita componi potest, vt ex una parte retento beneficio, alteri detur aliud beneficium, aut spiritualis pensio, modo fiat auctoritate Superioris; licet conuentio à partibus inchoarit.

DE hac re plenè dixi lib. 4. Th. mor. tr. 10. c. vlt. §. 5. q. 7. Hic breuiter, & clare statuo has assertiones: Prima. Orta lite beneficiaria, partes amicabiliter eam vel per se, vel per arbitros componere possunt, ita vt beneficium vni videlicet possessori, seu instituto relinquatur, alter verò iure suo cedat. Neque obstabit, si hoc casu pars illa, cui beneficium relictum est, gratis, & non ex precedente aliqua pactione, donum alteri offerat.

Secunda. Transactio super beneficio, data re aliqua temporali, neque priuato partium consensu, neque iudicis auctoritate fieri potest, prout etiam habetur in c. vlt. de rerum permis. Probatur ratione allata in hoc c. Simoniacum & illicitum pactum est, si pro iure spirituali detur, vel promittatur aliquid temporale. Id autem sit in tali transactione super beneficio, si unus litigantium dubium ius in eo habeat, & alter det, vel promittat v. g. tres argenti marchas, si iure suo cedat, aut renuntiet: Consequenter id neque partium conuentione, neque iudicis auctoritate fieri potest.

Tertia. Si vni parti litigantium super beneficio, tempore quippam, v. g. unius aut duorum annorum redditus, designentur, non in compensationem dubiū iuris (quæ, vt paulo ante dixi, simoniaca pactio esset) sed ob aliam causam, & nominatim ob bonum pacis, & concordie, non debet id tanquam simoniacum, aut illicitum damnari, si iudicis ordinarij, aut delegati auctoritate fiat, Quamuis causè agendum sit, ne simoniaca pactionis effectus admisceatur. Ita habetur in c. 2. de arbitris, & c. nisi 2. i. de præb. Ceterum, si talis pactio seu transactio à partibus initium habuerit, reprobari debet, c. cum priderem, 4. de pactis.

Quarta. Lis beneficiaria per transactionem ita componi potest, vt ex una parte re-

tent.